

RAPORTI I AUDITUESIT TË PAVARUR

Për auditimin ligjor të fondeve të përfituara dhe të shpenzuara nga Partia Social Demokrate,
Fushata zgjedhore 2009
Periudha 28/05/2009 - 28/06/2009

Komisionit Qendror të Zgjedhjeve,

Unë kam audituar pasqyrën bashkëlidhur të fondeve të përfituara dhe të shpenzuara për fushatën zgjedhore të Partisë Social Demokrate, për periudhën 28/05/2009 deri më 28/06/2009.

Pasqyra është përgjegjësi e drejtimit të subjektit zgjedhor "Partia Social Demokrate". Kjo pasqyrë është përgatitur nga drejtimi i Partisë, bazuar në librin e llogarive të Partisë dhe të regjistrit të posaçëm, miratuar si model me vendim të KQZ-së, të cilët janë mbajtur për të pasqyruar të gjithë transaksionet financiare në lidhje me fushatën zgjedhore, që kanë dhënë bazën për përgatitjen e pasqyrës së arkëtim-pagesave.

Përgjegjësia ime është të shpreh një opinion mbi këtë pasqyrë bazuar në auditimin tim.

Unë kam kryer auditimin në përputhje me Standardet Ndërkombëtare të Auditimit në referencë të veçantë me SNA 800 "Konsiderata të veçanta-Auditimet e pasqyrave financiare të përgatitura sipas kuadrove për qëllime specifike". Këto standarde kërkojnë që unë të veprojmë në pajtim me kërkesat e etikës dhe të planifikojmë dhe të kryejmë auditimin për të marrë siguri të arësyeshme për faktin që pasqyra financiare e fondeve të përfituara dhe të shpenzuara për fushatën zgjedhore të mos përmbajë anomali materiale.

Një auditim përfshin kryerjen e procedurave për të siguruar evidencë auditimi në lidhje me shumatat dhe informacionet e dhëna në pasqyrën bashkëlidhur. Procedurat e zgjedhura varen nga gjykimi i audituesit dhe përfshijnë vlerësimin e rreziqeve të anomalisë materiale të pasqyrës përkatëse, qoftë për shkak të mashtrimit, ashtu edhe të gabimit. Për vlerësimin e këtyre rreziqeve, audituesi konsideron kontrollin e brendshëm të Partisë që ka të bëjë me përgatitjen e pasqyrës me qëllim që ai të përcaktojë procedurat e auditimit që janë të përshtatshme për rrethanat, por jo për qëllime të shprehjes së një opinioni mbi efektivitetin e kontrollit të brendshëm të saj. Auditimi përfshin gjithashtu shqyrtimin, mbi bazën e testeve, të fakteve që mbështesin shumatat dhe deklaratimet në pasqyrën financiare, vlerësimin

e parimeve kontabël të përdorura dhe vlerësime të rëndësishme të bëra nga drejtimi i Partisë Social Demokratike, si dhe një vlerësim të paraqitjes së përgjithshme të pasqyrës.

Unë çmoj se evidenca e auditimit që kam siguruar është e mjaftueshme dhe e përshtatshme për të dhënë një bazë për opinionin tim të auditimit.

Detyra e subjektit zgjedhor është të përgatisë pasqyrën bashkëlidhur mbi bazën e arkëtimeve dhe pagesave.

Për mendimin tim, pasqyra bashkëlidhur e fondeve të përfituara dhe të shpenzuara për fushatën zgjedhore të Partisë Social Demokratike e datës 29.06.2009, është përgatitur në të gjitha aspektet materiale, në përputhje me kërkesat e raportimit mbi bazën e arkëtimeve dhe të pagesave, konform me ligjin nr 9228 date 29/04/2004 i ndryshuar « Per Kontabilitetin dhe Pasqyrat Financiare ».

Pa ndikuar në opinionin tim, tërheq vëmendjen se subjekti duhet të tregojë kujdes në lidhje me vërtetimin dhe pasqyrimin e shpenzimeve të kryera me dokumente justifikues sipas kërkesave të ligjeve fiskale (tatimore), sa kërkuar nga ligji « Kodi zgjedhor i RSH » nëni 90 paragrafi 3 i tij.

EKSPERTE KONTABËL E REGJISTRUAR

Violeta MULLA

Tiranë, më 02 nëntor 2009

**PERMBLEDHJE SHPENZIMESH PER FUSHATEN E ZGJEDHJEVE
PARLAMENTARE TE 28 QERSHORIT 2009 SIPAS FONDIT TE FUSHATES**

Nr	Emertimi	Vlera/Leke
1	Financim rretheve	4.675.000
2	Shpenzime per spotin televiziv	235.000
3	Shpenzime per transmetim spoti ne televizion	1.556.000
4	Shpenzime per shtypshkrime	131.000
5	Shpenzime per karburant	244.000
TOTALI		6.841.000

PSD i jane xhiruar fonde per fushaten ne vleren 6.821.852 leke, ndersa jane shpenzuar 6.841.000 leke. Diferenca prej 19.148 leke eshte perballuar nga fondet e veta te partise. Te gjitha keto shifra jane te kontrolluara nga auditi.